

Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. IV. De Intentione requisita ad observantiam Præceptorum.

urn:nbn:de:hbz:466:1-40673

non prohibetur; non enim fraudem committit, qui utitur jure suo.

VIII. Dubium est secundo; An saltem peregrini teneantur legibus loci, ubi degunt?

Respondeo cum Sanch. certum esse, quod teneantur servare tum leges contractuum, quod jure communicaustum est, (dempto contractu dotis, qui ineundus est juxta leges domicilii viri) tum etiam leges, quarum transgressio cederet in peculiare illius Oppidi damnum; ut si prohibeatur extractio tritici, vel mercium. Sed an festa, jejunia, & alia hujusmodi teneantur servare, dubium est apud Doctores. Probabilius censeo cum Sanch., Tolet., Azor. contra Suar., & Sa., quod non teneantur. Ratio est, quia ad obligandum legibus requiritur iurisdictio; haec autem non habetur erga peregrinos, qui ex brevi mora in aliquo loco non sunt subditi; Unde nequit Episcopus illis ministrare Sacramenta, (præter Confessionem, & Communionem, idque ex tacita proprii Episcopi licentia) nec potest cum iis dispensare; ut communiter Doctores docent: Quænam autem dicatur brevis mora, examinabimus cum de præcepto audiendi missam.

Neque dicas, quod Episcopi soleant punire peregrinos non servantes leges loci: Nam vel puniunt, quia Episcopi sequuntur opinionem contrariam valde probabilem; vel quia peregrini non caute se gerunt vitando scandalum.

Neque dicas secundo, quod ex *Regulis juris in 6. Qui sentit commodum, debet & onus sentire*: Nam hoc est verum, quando onus est necessario annexum commodo; sicut fructibus beneficij annexa sunt onera beneficij: in casu autem nostro onus non est necessario ahnexus commodis peregrinorum: Sic Novitii gaudent multis privilegiis regularibus, nec eorum

præceptis ligantur.

Neque dicas tertio, quod peregrini eximerentur legibus omnibus municipalibus, quod videtur absurdum, ut diximus de vagis; Nam hoc erit per accidens in peregrinis; & eo solum brevi tempore eximerentur, quo dicuntur esse peregrini; quod non accidit in vagis, qui semper eximerentur.

IX. Notandum tamen, quod si leges loci, ubi degunt peregrini, sint juris communis, teneantur eas servare, quamvis in proprio domicilio sint abrogatae: Unde Mediolanensis teneatur jejunare primis quatuor diebus Quadragesima, si Neapoli transeat; & Castellanus tenetur die Sabbati abstinere ab intestinis animalium, si Neapoli sit peregrinus. Ratio discriminis est, quia in hoc casu condensus commune habet jurisdictionem in omnes, & omnes obligat; nec aliquis excusat, nisi ex eo, quod sit in loco, ubi lex illa abrogata est: Contra vero condens leges municipales jurisdictionem non habet in peregrinos; unde illos non obligat.

Dubium est tertio, Cujusnam Parochiæ legibus teneatur, qui ex æquo in duplice Parochia habitat, itaut sit utriusque Parochianus?

Respondeo, teneri legibus, & consuetudinibus ejus Parochiæ, in qua de facto habitat, quia tunc censetur ejus incola: Quod si in alteram per breve tempus adveniret, non teneretur ejus legibus, quia reputaretur peregrinus, & hospes.

ARTICULUS IV.

De Intentione requisita ad observantiam præceptorum.

I. *Ad satisfaciendum præcepto requiritur intentio ponendi opus injunctum.*

II. *Præcepto jejunii non satisfacit, qui in-*

- invitus abstinet cibo.*
- III.** Satisfacit tamen præcepto restitutio-nis, qui prævo fine restituit; Et qui invitus restituit, licet præceptum non impleat, non tenetur tamen iterum restituere.
- IV.** Non requiritur ad satisfaciendum præcepto intentio satisfaciendi per opus, quod ponitur; Non enim imponitur obedientia formalis, sed materialis.
- V.** Num satisfaciat debito iustitia, qui immemor debiti eleemosynam lar-gitur?
- VI.** Num præcepto, aut voto satisfaciat ponens opus præceptum, sed positi-ve nolens per illud satisfacere?
- VII.** Qui nolens satisfacere per opus præceptum, quod ponit, mutata volun-tate, nolit aliud opus ponere, re-quiriturne, quod velit per illud opus satisfecisse; an satis est, quod sciat se satisfecisse?
- VIII.** Qui audit Sacrum præceptum no-lens per illud satisfacere, nec volens aliud audire, non transgredi-tur præceptum Ecclesiasticum, sed naturale.

I. D^uplex dari potest intentio, al-tera implendi præceptum, seu ponendi opus præceptum; altera sa-tisfaciendi præcepto per illud opus. De utraque nonnulla quærenda sunt.

Quæritur primo; Utrum ad satisfa-ciendum præcepto requiratur intentio ponendi opus injunctum?

Respondeo cum communi affirma-tive; nec satis est ponere illud opus sine intentione ponendi illud: Quare qui, verbi gratia, in ebrietate, vel somno recitat officium, aut interest Sacro, non satisfacit præcepto: Et a fortiori qui invitus per defectum cibi jejunat sine animo jejunandi, non sa-tisfacit præcepto jejunii. Ratio est, quia præceptum impleri non potest, nisi per actum humanum, & liberum,

quo homo velit exequi, quod præci-pitur: Etenim lex imposita homini-bus debet humano modo, non mo-re brutorum impleri.

Confirmatur, quia lex non viola-tur, nisi per actum liberum, quo quis nolit ponere, quod præcipitur; ergo nec impletur lex nisi per actum libe-rum, quo quis velit ponere, quod præcipitur; & consequenter sicut non violat legem jejunii, qui invitus come-dit, ita nec legem jejunii implet, qui invitus jejunat.

II. Ex quo sequitur, ut notat Sanch. lib. 1. cap. 13., recitantem atten-tissime horas Canonicas ex sola in-tentione legendi, vel addiscendi non satisfacere recitationi horarum: Nec satisfacit obligationi audiendi Sacrum, qui in Ecclesia devotus persisteret coram celebrante, sed solo animo con-tempplandi Divina, & orandi, non a-nimo audiendi Sacrum: Quamvis e-nim attentio ad orandum satis sit, ut satisfiat attentioni requisitæ ad audi-endum Sacrum, ut suo loco dicemus, tamen si deficit intentio audiendi Sa-crum, illud non dicitur audiri; Ita expresse Sanch. loc. cit.; quia opus præceptum debet impleri scienter, & cum voluntate ponendi illud.

Notandum tamen, quod si præcep-tum sit negativum, verbi gratia non co-mendandi carnes, ex doctrina Valq. 1. 2. quæst. 100. art. 9. potest etiam a dormientibus impleri; quia tale præceptum impletur præcise per non po-sitionem rei prohibitæ. At non imple-tur ab invitatis, ut ostendimus: Qui enim invitus a carnibus abstinet, non sa-tisfacit præcepto, sicut nec satisfa-cit, qui invitus interest Sacro.

Quod si quis per metum graven-recitet horas, aut Sacro interfit, sa-tisfacit præcepto; etiamsi peccet, si habeat animum non implendi præcep-tum deficiente metu. Ratio est, quia metus non tollit, licet minuat, vo-lun-

luntarium; unde qui per metum recitat horas, libere recitat, atque adeo præcepto satisfacit. Eodem modo famuli, vel pueri, qui audiunt Sacrum ex eo, quod comitentur Heros, vel Pædagogos, satisfaciunt præcepto, si debitam intentionem absolutam habeant audiendi Sacrum, etiamsi haberent illam aliam intentionem pecaminosam conditionatam. Non audiem Sacrum, si non comitarer herum, ut notant Suar., & Sanch. contra Divum Antonin.

Rogabis; An satisfaciat præcepto restitutionis, vel præcepto dandi eleemosynam indigenti, qui invitus, vel ebrius, aut ignorans restituit, vel dat summos pauperi?

Respondeo affirmative; his enim præceptis satisfit non solum ab ebriis, &c., sed etiam ab iis, qui pravofine, verbi gratia, ob inanem gloriam, vel ad fornicandum restituunt, aut dant eleemosynam. Et ratio ex Valsq. loc. cit. est, quia etiam iis affectibus tollitur materia, propter quam precipitur restitutio, & eleemosyna, videlicet retentio rei alienæ, & necessitas indigentis; Unde ea sublata celsat obligatio. Qui tamen invitus restituit, aut dat eleemosynam, peccat quidem non implendo præceptum, sed exterius ita præceptum implet, ut non teneatur iterum restituere, aut eleemosynam dare, cum cessarit obligatio, sublata materia, propter quam talis obligatio fuit imposita: Quare qui sic satisfacit huic præcepto, revera præceptum non implet, sed non amplius illo obligatur.

IV. Quæritur secundo; An ad satisfaciendum præcepto requiratur intentio satisfaciendi per opus, quod ponitur?

Respondeo negative cum Sanch., Suar., Henr. contra Sylvest., Ledesm., Lopez. Ratio est, quia præcepta solum obligant ad ponendum voluntati-

Pars II.

rie, & actu humano opus injunctum, non vero ut signate velimus per tale opus satisfacere præcepto; cum nullibi talis obligatio inveniatur.

Confirmatur, quia talis intentio non requiritur ad satisfaciendum præceptis negativis, verbi gratia, non furandi, non occidendi, &c., ut adversarii etiam fatentur; nec ad satisfaciendum præceptis naturalibus, verbi gratia colendi Deum, honorandi parentes, &c., ut liquet; ergo neque etiam requiritur ad satisfaciendum præceptis positivis.

Neque dicas, præcepta obligare ad obedientiam, quæ non habetur, nisi adit intentio satisfaciendi præcepto. Nam præcepta obligant tantum ad obedientiam materiale, non ad formale, hoc est ad ponendum id, quod præcipitur, non vero ad ponendum illud, quia præcipitur.

V. Ex data doctrina deducunt aliqui cum Baldello apud Dianam p. 5. tr. 13. ref. 94., quod si quis debens centum Titio, immemor talis debiti donet illi centum, satisfaciat debito, itaut non teneatur dare alia centum. Et ratio videtur esse, tum quia si is fuisset memor debiti, non dedisset centum animo liberali, sed animo satisfaciendi; tum etiam quia quilibet habet intentionem interpretativam satisfaciendi prius debito justitiae, quam dandi gratis. Et idem docent de eo, qui ignorans debitum largiendi eleemosynam pauperibus, vel propter omissionem officii, (ut debent beneficiarii,) vel propter debita incerta, gratis eleemosynam largitur, non animo satisfaciendi: Et quamvis ab Alex. VII. damnata sit propositio 33, qua dicit: *Restitutio fructuum ob omissionem horarum suppleri potest per quascumque eleemosynas, quas ante beneficiarios de fructibus sui beneficii fecerit:* Hoc putant intelligendum de eleemosynis factis ante obligationem resti-

C tuen-

tuendi, non vero ab immemore post obligationem.

Verum hoc negant communius apud eundem Dianam cum Sanch. lib. 1. cap. 13., & Lopez. Ratio est, quia quanvis immemor debiti, quando dat eleemosynam, non daret illam animo liberali, si recordaretur debiti, tamen non est attendenda voluntas ista conditionata satisfaciendi, sed requiritur intentio absoluta, qua non habetur in casu nostro: Nec satis est ad operandum intentio interpretativa, sed requiritur intentio vel actualis, vel saltem virtualis. Verum quidem est, quod si quis immemor voti, quod habet, jejunandi, jejunet, satisfaciat voto; sicut qui ignorans hodie esse diem festum, audit lacrum, satisfacit præcepto: At si ignorans se debere centum Titio, donet illi centum, non satisfacit debito: Disparitas est, quia donans sponte vult debitum ex justitia prorogari, ut in quaestio sequenti explicabimus.

VI. Quæritur tertio; an qui audit missam, verbi gratia, & positive non vult per talen missæ auditionem satisfacere præcepto, adhuc satisfaciat?

Respondeo, communiores sententiam esse, ut notat Sanch., quod non satisfaciat. Ratio est primo, quia aetus non operantur ultra agentium intentionem, ex leg. *Non omnis, si. Si certum petatur.* Secundo, quia si quis non vult audire Sacrum, cui assistit, vere non dicitur illud audire; ergo si non vult per Sacrum, quod audit, satisfacere præcepto, non satisfacit. Tertio, quia si debens centum Titio velit illi donare centum, & non satisfacere per illa suo debito, certe non satisfacit; ergo neque in casu nostro.

Verum idem Sanch. lib. 1. cap. 13. apud Tambur. lib. 4. cap. 2. docet, probabiliorum esse sententiam oppositam Suarri, Vasq., Valent., & aliorum, quod scilicet satisfaciat. Proba-

tur, quia nemo potest transgredi præceptum per hoc, quod nolit id, ad quod præceptum non obligat; sed præceptum, ut diximus quelito superiori, non obligat ad habendam intentionem illi satisfaciendi, sed solum precipit liberam, & humanam extenuoperis executionem; ergo non transgreditur præceptum, qui non vult illi satisfacere, dummodo ponat opus injunctum; cum non sit in potestate nostra non satisfacere præcepto, quando exequimur id, quod præcipitur. Quod patet in præcepto negativo: Et enim impossibile est, ut quis, verbi gratia, omittat furtum, & non satisfaciat præcepto non furandi; quanvis dicat se nolle per omissionem furti satisfacere tali præcepto; propterea solum peccaret contra legem naturalem, si haberet hanc intentionem; ergo idem dicendum in præcepto positivo, verbi gratia audiendi sacram.

Confirmatur, quia satisfacit præcepto audiendi Sacrum, qui illud audit ob vanam gloriam, vel ut inducat alium ad peccatum, &c.; ergo a fortiori, qui illud audit sine animo satisfaciendi per illud; cum possit sine peccato nolle satisfacere præcepto per talen auditionem Sacri, eo quod velit deinde aliud audire.

Ad rationes in contrarium facile respondetur. Et quidem ad primam dico, regulam illam habere locum, quando ex operantis intentione dependet implere præceptum per illum actum; ut si quis debens centum Titio velit illi donare centum, & non satisfacere priori debito; in casu autem nostro non pendet ex operantis intentione implere præceptum per illam auditionem Sacri, ut ostendimus in probatione conclusionis. Ad secundam, negatur consequentia. Disparitas est, quia qui non vult audire Sacrum præceptum, non vult exequi, quod præcipitur, & sic non implet præ-

præceptum: Econtra qui audiēdo mis-
lam non vult per illam satisfacere,
vere exequitur, quod præcipit; er-
go vere satisfacit præcepto exercite,
licet signate dicat se nolle satisfacere;
Non secus ac qui signate dicit se nolle
loqui, vere exercite loquitur. Ad
tertiam, negatur etiam paritas; quia
obligatio ex iustitia pendet ex con-
trahentium voluntate; unde si debens
centum Titio dohet illi centum nolens
satisfacere debito iustitiae, vult conse-
quenter remanere illæsum jus ad cen-
tum, atque adeo per donationem il-
lam non satisfacit debito: Contra ve-
ro obligatio præcepti pendet ab intentione
Legislatoris, & ideo subditus
non potest illam ad libitum proroga-
re.

Hinc sequitur probabile esse, quod
qui voverit jejunium, & nolit per pri-
mum jejunium satisfacere tali voto,
vere non satisfaciat, quia pariter obli-
gatio voti pendet ab ipsius voventis
voluntate; unde ad libitum proroga-
ri potest, sicut debitum iustitiae. At
probabilius putat Sanch., quod per
primum jejunium tali voto satisfaciat,
etiam si nolit vovens satisfacere. Ratio
est, quia votum, & juramentum ob-
ligant instar præcepti, idest solum ad
substantiam operis promissi ponendam
actu humano; Unde non est in po-
testate voventis non satisfacere voto,
quoties vult exequi opus promissum:
Et quamvis possit velle ad aliud jeju-
nium se obligare novo voto; (sicut
qui debens centum, si donet centum,
vult ex iustitia obligari ad alia cen-
tum solvenda) tamen non intendit
novum votum emittere per hoc præ-
cise, quod dicat nolle se priori voto
satisfacere: Ad eum modum, quo qui
jejunando votum implevit, & deinde
proponeret idem votum implere per
novum jejunium, non tenetur vi voti
ad novum jejunium, nec tale proposi-
tum habet vim novi voti.

Hinc fit, quod si votum sit disjuncti-
vum, verbi gratia, vel jejunandi, vel
dandi eleemosynam, & vovens jejunet
animo non satisfaciendi voto per jeju-
num, volens satisfacere per eleemo-
synam, hic post jejunium ad eleemo-
synam non tenetur, quia votum ve-
re implevit; nec electio illa habet
vim voti, ut notat Sanch. lib. 4. cap. 13.

VII. Rogabis: Qui interfuit Sacro
cum animo non satisfaciendi præcepto
per illud, volens deinde aliud audire,
si mutato proposito nolit audire aliud
sacrum, teneturne habere intentionem
satisfaciendi præcepto per prius sa-
crum jam auditum? An vero satis est,
quod sciat se jam satisfecisse præcepto
per illud?

Respondeo cum Sanch. loc. cit. contra
Suar., & alios apud Dian. part. I.
tract. 12. resol. 37. satis esse, quod
sciat se jam satisfecisse; illa enim in-
tentio satisfaciendi præcepto per sa-
crum jam auditum nullatenus requiri-
tur. Ratio est, quia implere præ-
ceptum non debet esse actus obedien-
tiæ formalis, qua quis velit signate
obedire, sed satis est, quod sit actus
obedientiæ materialis, qua quis libere
ponat, quod præcipit.

Sequitur hinc primo, quod qui im-
memor præcepti audit Sacrum, si po-
stea recordetur præcepti, neque te-
netur audire aliud Sacrum, neque
tenetur habere intentionem satis-
faciendi præcepto per Sacrum auditum;
sed satis est, quod sciat se jam præ-
cepto satisfecisse audiendo sacrum a-
ctu humano.

VIII. Sequitur secundo, quod qui
audit sacrum animo non satisfaciendi
præcepto per illud, & simul animo
non audiendi aliud sacrum, vere præ-
cepto positivo auditionis missæ satisfe-
cerit, & solum transgressus fit præ-
ceptum naturale, quo tenetur quisque
subjectus esse legi humanae, & non
contemnere Legislatorem.